



Pou Piblikasyon Imedya: 27/04/2023

GOUVÈNÈ KATHY HOCHUL

GOUVÈNÈ HOCHUL ANONSE PLIS PASE 20 MILYON DOLA POU PWOJÈ LOJMAN SIPÒ YO

Prim pou ede kreye oswa prezèv 423 inite lojman sipò pèmanan pou Nouyòkè ki te ansyen sanzabri yo

Pwogram eta a finanse a se yon pati nan plan lojman sou senkan Gouvènè a k ap koute 25 milya dola pou abòde sitiyasyon sanzabri

Jodi a, Gouvènè Kathy Hochul te anonse plis pase 20.1 milyon dola pou pwojè lojman nan rejon Vil New York pou bay lojman sipò pèmanan pou moun k ap fè fas ak sitiyasyon sanzabri yo epi pou finanse reparasyon nan yon abri ijans nan Konte Albany. Kat devlopman yo ke Pwogram Lojman ak Asistans pou Sanzabri (Homeless Housing and Assistance Program, HHAP) Biwo pou Asistans Tanporè ak Andikape (Office of Temporary and Disability Assistance, OTDA) a sipòte pral founi 423 apatman pou sèvi moun ki se ansyen sanzabri, sa gen ladan moun ki gen yon maladi mantal oswa pwoblèm itilizasyon sibstans, pou site sa yo sèlman.

"Nou gen obligasyon pou nou asire tout Nouyòkè gen aksè nan lojman ki an sekirite, abòdab - espesyalman sila yo ki pi vilnerab pamí nou", **Gouvènè Hochul te deklare.** "Nan kreye plis lojman sipò ak bay finansman enpòtan pou repare abri ijans, nou ka ede moun ki nan sitiyasyon sanzabri yo jwenn asistans yo bezwen pou estabilize lavi yo".

Komisè Biwo Eta New York pou Asitans Tanporè ak Andikape, Daniel W. Tietz, te deklare, "Pwogram Lojman ak Asistans pou Sanzabri yo bay finansman enpòtan pou lojman sipò ak reparasyon pou abri ijans yo, kote tou de eleman fondamantal nan efò nou pou mete fen nan sik sanzabri a. Dènye prim sa yo reflete angajman kontinyèl Gouvènè Hochul pou elaji aksè nan yon lojman ki an sekirite ak abòdab epi pou l buem abòde sitiyasyon sanzabri nan eta nou an".

Yo te bay sibvansyon yo atravè yon pwosesis konpetitif ki te fèt pa Kòporasyon Lojman ak Asistans pou Moun ki Sanzabri (Homeless Housing and Assistance Corporation, HHAC) nan Eta New York, ki se yon kòporasyon avantaj publik ki gen pèsonèl Biwo pou Asistans Tanporè ak Andikape a. Atravè pwogram sa a, Eta New York afekte plis pase 1.5 milya dola pou devlopman lojman sipò. An total, pwogram nan te kreye plis pase 25,000 inite lojman pou sipòte moun ak fanmi k ap fè fas ak sitiyasyon sanzabri yo.

Avèk dènye prim sa yo, pwogram nan te angaje plis pase 77 milyon dola nan finansman ki prevwa nan Bidjè ane fiskal 2023 a. Dènye pwojè yo bay finansman yo enkli:

- **Breaking Ground**, 4.2 milyon dola pou ranplase sistèm chofaj ak jeneratris rezèv pou yon pwopriyete otèl transfòme ki sitiye nan Brooklyn ki pral bay 305 inite lojman sipò pou moun k ap viv ak yon maladi mantal grav oswa yon maladi itilizasyon sibstans.
- **Fortune Society, Inc.**, 9 milyon dola pou devlope 59 inite lojman sipò pèmanan nan Manhattan pou moun ki enplike lajistik ki nan sitiyasyon sanzabri. Pwojè sa a pral reyabilite anpil yon biling sèt etaj pou bay lokatè yo yon chanm kominotè, yon kwizin klas komèsyal, yon sal lesiv, yon ti lakou dèyè, ak aksè gratis nan entènèt.
- **Transitional Services for New York, Inc.**, 4 milyon dola pou konstwi yon biling nèf etaj, avèk 30 inite lojman sipò pèmanan pou sèvi moun k ap viv ak yon maladi mantal grav nan Jamaica, Konte Queens. Sèvis sipò yo ofri yo pral gen ladan jesyon ka, kowòdinasyon sèvis, jesyon medikaman, jesyon lajan, devlopman ladrès pou lavi endepandan, bidjè, netwayaj, ak lòt konpetans enpòtan.
- **Geel Community Services, Inc.**, 2.8 milyon dola pou konsève 29 inite lojman sipò pèmanan nan Bronx pou moun ki sanzabri k ap viv ak yon maladi mantal grav. Sèvis sipò yo pral gen ladan sèvis jesyon ka, ki gen ladan resous pou ede konpetans travay ak preparasyon pou travay, asire bon aksè a swen medikal ki gen ladan founisè swen sante primè ak espesyalize, sèvis sante preventif, sèvis sikuatrik ak sikolojik, ak tretman pou itilizasyon sibstans.

Anplis de sa, yo te bay Altamont Program, Inc. 100,000 dola pou fè reparasyon nan Schuyler Inn, yon abri ijans nan Konte Albany.

Pwogram Lojman ak Asistans pou Sanzabri a se yon eleman enpòtan nan plan lojman konplè pou senkan 25 milya dola Gouvènè Hochul, ki te adopte kòm yon pati nan bidjè ane fiskal 2023 a epi ki vize kreye oswa prezève 100,000 kay abòdab atravè Eta New York, sa ki enkli 10,000 ki gen sèvis sipò pou popilasyon vilnerab yo. Bidjè egzekitif ane fiskal 2024 la kontinye 128 milyon dola nan finansman kapital pou Pwogram Asistans ak Lojman pou Sanzabri a.

Doktè Ann Sullivan, ki se Komisè Biwo Sante Mantal nan Eta New York, te deklare, "Angajman Gouvènè Hochul pran anvè lojman sipò yo ap bay plizyè milye moun ak fanmi yo opòtinite pou viv yon fason ki sekirize ak pwodiktif nan pwòp kominote yo. Lojman ki estab avèk sèvis entegre enpòtan anpil pou moun k ap viv ak maladi mantal epi k ap pwogrese sou wout rekiperasyon an".

Komisè Biwo Sèvis ak Sipò pou Depandans (Office of Addiction Services and Supports, OASAS) Eta New York la, Chinazo Cunningham, te deklare, "Finansman sa a, an patikilye prim pou Breaking Ground lan, pral bay sèvis enpòtan pou kèk nan fanmi ak moun ki pi vilnerab New York yo. Mwen fyè pou m kanpe ak Gouvènè Hochul

pandan I ap kontinye bay sipò ak resous pou moun ki pa gen lojman yo, ak moun ki gen pwoblèm itilizasyon sibstans. Nou konnen lojman an sekirite enpòtan anpil pou ede moun yo kenbe sante yo".

Senatè eta a, Roxanne J. Persaud, te deklare, "Mwen kontan wè envestisman 20.1 milyon dola HHAP sa a ki pral bay 423 nouvo inite lojman an sekirite epi pèmanan, kote kèk ladan yo pral nan awondisman Brooklyn. Inite lojman HHAP finanse yo te ede Nouyòkè yo nan kominote atravè eta nou an viv avèk diyite ak sipò yo bezwen yo".

Manm Asanble Maritza Davila te deklare, "Vil New York ap fè fas ak yon kriz lojman depi plizyè ane, epi bezwen pou lojman sipò trè esansyèl. Gen yon pòt k ap vire pou fanmi ki sanzabri yo jwenn swen ak sèvis apwopriye paske abri yo inonde. Moun sa yo ap chèche aktivman lojman pèmanan epi finansman patikilye sa a pral pèmèt nou fè yon pa an avan pou asire fanmi yo gen aksè a yon sistèm ki pral reponn a bezwen yo. Nou bezwen tou sonje maladi mantal ak fason li gen rapò ak sanzabri ak krim. Mwen pa ka tann pou m wè 423 inite yo pral bay yo men nou toujou gen yon long wout devan nou".

Prezidan ak Direktè Egzekitif Jeneral Breaking Ground Ian, Brenda Rosen, te deklare, "Breaking Ground fyè pou I fè patenarya avèk Gouvènè Hochul ak OTDA pou devlope ak prezève lojman ki bay sipò ak abòdab pou Nouyòkè ki pi vilnerab yo. Finansman ki soti nan Pwogram Lojman ak Asistans pou Sanzabri a pral ede nou fè amelyorasyon enpòtan nan sistèm chofaj ak rezistans nan 90 Sands epi asire ke biling Ian rete yon limyè espwa pou plizyè santèn fanmi ki se ansyen sanzabri ak gen revni ba pou plizyè deseni k ap vini yo".

Prezidan ak Direktè Egzekitif Jeneral Fortune Society, JoAnne Page, te deklare, "Nou rekonesan anpil epi nou kontan pou anons ke aplikasyon Castle IV Residence nou an te jwenn finansman HHAP. Pwojè enpòtan sa a pral transfòme yon bél biling Upper West Side ki te itilize anvan kòm yon otèl ilegal pou tounen lojman pèmanan pou moun ki te fè eksperyans sanzabri epi ki gen enplikasyon nan jistics kriminèl anvan ak pou rezidan kominote yo ki bezwen lojman trè abòdab. Fortune Society gen yon istwa long avèk HHAP, ki te finanse premye rezidans Castle nou an sa gen plis pase 20 ane. Nou apresye HHAP ak lidèchip devwe, ekstraòdinè ak anplwaye li yo kòm yon patnè eksepsyonèl ki pataje valè nou yo pou loje moun ki fè nan sitiyasyon ensekirite lojman epi pou mete yo sou wout pou yon avni ki gen plis siksè".

Direktè Egzekitif Jeneral Transitional Services for New York Inc., Larry S. Grubler, te deklare, "Lojman sipò bay sèvis vital ak anviwònman ki estab ki ka ede moun ki gen maladi mantal grav kraze sik sanzabri yo. Prim nou an atravè Pwogram Lojman ak Asistans pou Sanzabri a se yon eleman enpòtan nan efò n ap fè pou nou agrandi lojman ki bay sipò nan katye Jamaica nan Queens. Nou felisite Gouvènè Hochul paske li fè lojman ki bay sipò tounen yon priyorite nan administrasyon li a epi paske li ede pwojè enpòtan sa yo dewoule nan Vil New York ak nan tout eta nou an".

Direktè Egzekitif Geel Community Services, Inc., Maria Matias, te deklare, "Soti nan ofri konpetans preparasyon pou travay rive nan asire aksè apwopriye a swen medikal, sèvis sipò Geel bay yo fèt pou ede moun k ap viv ak maladi mantal grav kenbe lojman ki estab epi kontinye viv nan anviwònman endependan. Avèk finansman atravè Pwogram Lojman ak Asistans pou Sanzabri, n ap kapab antreprann reparasyon ak amelyorasyon enpòtan pou prezèv 29 apatman nan Bronx ki te ede anpeche moun sa yo fè eksperyans sanzabri. Angajman Gouvènè Hochul pran nan pwogram sa a montre vrè rezolisyon li pou l abòde enstabilite lojman nan eta nou an, ki gen ladan pou moun k ap goumen kont maladi mantal grav".

Direktè Egzekitif Altamont Program, Peter Kelsey, te deklare, "Schuyler Inn ranpli yon wòl enpòtan nan Konte Albany lè li bay chanm ki an sekirite, pwòp nan yon anviwònman akeyan pou moun ak fanmi ki bezwen abri tanporè. Avèk finansman atravè Pwogram ak Lojman pou Sanzabri eta a, nou pral kapab ranplase eskalye eksteryè epi fè lòt antretyen ki nesesè nan etablisman sa a. Nou bat bravo pou sipò kontinyèl Gouvènè Hochul pou pwogram enpòtan sa a epi paske l bay sipò pou asire Schuyler Inn kapab kontinye sèvi moun ki fè eksperyans sanzabri nan kominate nou an".

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418